

Broj: 03-02-649/2021
Sarajevo, 25.02.2022. godine

Priljeno: 25-02-2022			
Org. jed.	Broj	Priloga	Vrijednost
02-02	-	1829	/21

B

PARLAMENT FEDERACIJE
BOSNE I HERCEGOVINE

- Dom naroda
gosp. Tomislav Martinović, predsjedavajući

VRLO HITNO

PREDMET: Izjašnjenje Vlade Federacije Bosne i Hercegovine o Amandmanu na Prijedlog zakona o izmjenama i dopunama Zakona o penzijskom i invalidskom osiguranju - hitni postupak

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Izjašnjenje o Amandmanu na Prijedlog zakona o izmjenama i dopunama Zakona o penzijskom i invalidskom osiguranju - hitni postupak, koji je podnio Rasim Pajić, delegat u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 244. hitnoj sjednici, održanoj 25.02.2022. godine.

Izjašnjenje se dostavlja na službenim jezicima i pismima Federacije Bosne i Hercegovine.

S poštovanjem,



PREMIJER
Fadil Novalić
Fadil Novalić

Prilog: kao u tekstu na bosanskom jeziku

Cc: Federalno ministarstvo rada i socijalne politike
gosp. Vesko Drljača, ministar

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Amandmana na Prijedlog zakona o izmjenama i dopunama Zakona o penzijskom i invalidskom osiguranju - hitni postupak, koji je podnio Rasim Pajić, delegat u Domu naroda Parlamenta Federacije BiH, Vlada Federacije Bosne i Hercegovine je, na 244. hitnoj sjednici, održanoj 25.02.2022. godine, utvrdila sljedeće:

IZJAŠNJENJE

o Amandmanu na Prijedlog zakona o izmjenama i dopunama Zakona o penzijskom i invalidskom osiguranju, koji je podnio Rasim Pajić, delegat u Domu naroda Parlamenta Federacije BiH

AMANDMAN

Član 9. Prijedloga zakona o izmjenama i dopunama Zakona o penzijskom i invalidskom osiguranju FBiH odnosno važeći član 116 Zakona o penzijskom i invalidskom osiguranju FBiH „se brišu“.

IZJAŠNJENJE

Amandman se ne prihvata **Obrazloženje**

U vezi sa navedenim, ističemo sljedeće:

Dana 11.12.2019. godine u Službenim novinama Federacije BiH, broj: 93/19 objavljena je presuda Ustavnog suda Federacije BiH, broj: U-36/18 od 12.11.2019. godine, gdje se u dispozitivu navedene presude utvrđuje da član 116. Zakona o penzijskom i invalidskom osiguranju („Službene novine Federacije BiH“, br. 13/18 i 90/21) nije u skladu sa Ustavom Federacije BiH, pa se shodno tome isti ne može primjenjivati.

Spomenutim članom bila je propisana obustava isplate penzije korisniku koji u skladu sa ovim Zakonom stekne status osiguranika u obaveznom osiguranju, osim osiguranika iz člana 12. tač. c), d), e) i f) ovog Zakona, i to za period trajanja osiguranja. Stav Suda je, između ostalog, da se kroz ovu odredbu zakonodavac neproporcionalno i neopravdano umiješao, odnosno ograničio neometano uživanje prava na stečenu imovinu (penziju).

U cilju provođenja navedene Presude, te preciznijeg definisanja pojedinih odredbi Zakona izrađene su izmjene i dopune koje je Predstavnički dom Parlamenta Federacije BiH usvojio u decembru 2021. godine. Ovim izmjenama i dopunama izmijenjen je i dopunjen i član 116. i to na način da je obustava penzije propisana najduže do navršanja 40 godina staža osiguranja, odnosno 65 godina života, tj. do sticanja prava na „punu“ starosnu penziju. Nadalje, dodan je novi stav koji propisuje obustavu isplate penzije korisniku porodične penzije koji u skladu sa ovim Zakonom stekne status osiguranika u obaveznom osiguranju, izuzev osiguranika iz člana 12. tač. c), d), e) i f) ovog zakona, i to za period trajanja osiguranja.

Znači navedenim izmjenama i dopunama osobama koje su stekle punu starosnu penziju omogućeno je istovremeno zasnivanje radnog odnosa i uživanje prava na starosnu penziju. Međutim, u situacijama kad je osoba ostvarila pravo na prijevremenu starosnu penziju isplata se obustavlja jer se radi o izuzetnom pravu osiguranika koji kao takav ne predstavlja uvjet za